





風陵文庫
文庫19
F 37
3

三





數靖教匪述編

卷六蜀述



石香村居士編輯

六年正月，賊張士龍等被楊遇春格布舍在陝追亟，將復入川，提督七赴廣元禦之。嘉陵江戒嚴，賊分為四：一張士龍，一辛聰，一楊開甲，餘黨偽元帥王某。一魏棒棒，李得陽等，賊各萬人，併力攻陝西卡隘。楊遇春領兵勇敗之於陳家壩，殲斃士龍，偽總兵魏元伏，辛聰遁燕子岩，王某遁巫山壩，魏棒棒遁岩方坪，官兵逐之，擒賊首李裁縫，即李得陽，為楊開甲，辛聰畏入，為鐵工，見其悍，授偽先鋒，遂推為元帥，屢拒大軍至。

F0037-(3)

是伏誅陳湖觀辛聰等分道由通江竄西鄉張士龍等竄往通江初八日提督七自廣元移師次通江之後河嶺值賊起營一由左山一出福神溝提督與頭等待衛武隆阿大敗之於錢家山賊忽併而爲一官兵復連擊於三台山缺溪河椒園子冉家壩俱敗之斬士龍擒僞總兵李大維及二掌櫃趙建功擒殺千三百人襄陽黃號首賊樊人傑與太平黃號逆首徐萬富王綱賢通江藍號冉添元之弟添泗及王士虎率其黨亦由陝之寧羌州入廣元縣至南部之新鄭壩復謀渡嘉陵江於望溪壩掠得煤船數十艘於是紅旗號褂欲過西

岸十四日至河溪關將王威寧知縣李天培禦之賊蜂湧直前戰甚危適總兵許文謨從下游至鎗礮轟擊相持盡夜賊退紅山場走儀隴縣總督勒料陽爲東竄陰必南渡飭將弁永寧等遏其來路而檄阿哈保薛大烈由紅山場進永寧十七日三更後抵新鄭壩列炬滿岸火光燭天賊窺江岸者大驚永寧鼓譟而出追殺二十餘里賊大隊屯南部碑灣寺薛大烈阿哈保十八日黎明抵其營賊出戰頗占地官兵退數十步忽索倫兵發數矢兵勇齊奮遂北數十里游擊桂涵一人擒殺賊至一百二十名餘稱是永寧兵適至又追奔百

餘里徐萬富於木蘭寺中鎗落馬死亂鋒並斬偽總兵鮮奇
林及樊人傑之妻三次殲賊千六百名擒先鋒陳上達探馬
頭洪正青王大寅楊見冉崇中旗手王士榮馬倭林及男婦
七百餘名賊王士虎樊人傑向土門舖賽金場奔逸黃藍白
三號賊屢敗後總兵阿哈保薛大烈恐其入陝帶兵繞截之
知府劉青因賊近巴州率義勇直攻賊營賊疑爲官兵驚走
提督七兵至連夜進發賊轉疑爲鄉勇侍衛武隆阿總管傅
森額等率馬隊衝入賊首王士虎偽總兵周一洪中箭死擒
斬賊首邱天富等千餘名諸逆至是敗殘已極川北漸次靖

謫總督勒復令張志林許文謨分防嚴堵嘉陵江岸自廣元
至南部蓬州至合州一帶地方賊匪劉潮選湯思蛟辛聰顏
勝可魏棒棒陳潮觀李炳等尚蜂屯開縣雲陽境內總督移
師川東都司耿貴和把總康調元外委高欽選童均戰歿○
二月總兵薛大烈由東鄉鹿坪壩追賊樊人傑黨初五日抵
鄭壩訶賊竄開縣桃子園土龍壩兵及水田壩值賊攻圍九
打杵石準兩民寨勢亮張大烈率桂涵羅思舉等奮擊兩寨
圍解救出男婦千三百名乘勝驅逐至廣福院苑家山再戰
斬藍號偽總兵苟忠林及餘賊二百擒黃號偽總兵李尊賢

藍號偽總兵孟世臣及王土虎之叔王大谷並蔡興洪何世約張洪修張宗元等焚逆於苑家山脫袍棄馬而逸數日復與冉添泗辛聰等合集敗衆約萬人由開縣大寧轉掠雲陽提督七由開縣進總督亦由梁萬直趨雲陽薛大烈由榨井壩進託雲泰由明通井遏其走老林之路叅贊德勦龍紹周等賊匪由大寧雞心嶺趕辦橋道親督將弁越嶺急追賊匪萬餘分三營屯老林叅贊督兵奮擊賊人潰擒偽總兵趙志成先鋒包萬才戴世榮等統計殺賊四五千人釋放難民二千餘人○三月總督勒督總兵阿哈保薛大烈由通江至孫

家坪遇張漢潮楊開甲餘黨斬首四百級擒如之有貴州官兵遇賊於開縣百花壩與戰逐之賊敗奔野龍池提督七之前鋒侍衛武隆阿都司羅思舉西來偵知即從六塘進兵戰於七里坪走鹹水壩前後夾擊之武隆阿羅思舉元登陷陣手斬數十級賊大潰獲首功千餘逃出難民千一百人擒偽總兵一名賊高二馬五由陝轉掠廣元固原提督楊追揖之把總李杰戰死提督七追陳潮觀過陝會固原提督合擊之○四月黃號賊擾梁山屬之金定寺一帶總兵馬元戰敗之斬賊首李某偽先鋒偽總兵並餘賊數十名時有隨營夫

役假爲教匪，往往搶掠殺人，民莫誰何。總督獲一人，斬之。始息。○五月奉

上諭：各股賊匪被裹良民，實居大半，用繩擒縛，割去髮辮，面刺蓮花，使不能出，又驅令前敵，何不乘間獻首受賞？伊等恐被軍營冒功，不肯奏出，此更不應。現在帶兵大員屢經訓飭，一切據實秉公。即如陝省殄擒王廷詔、高二、高三、馬五等，俱係微末弁兵，及掣獲張子聰寨首，一經奏明，均從優賞，必不咎其既往。將此旨謄黃曉諭，各令知之。欽此。界嶺石坪在大寧縣，與湖北竹山縣接界。賊僞元帥李顯碧本唐大信黨，後與唐明萬合於大

寧竹山及陝之平利，跳蕩出入三省襟喉也。爲總兵阿哈保等擊敗於柳林店。二十一日，總督勒由界嶺移兵，令阿哈保、桂涵等由石坪冒雨追至店子河。其地東臨溪河，連日大雨，水漲，賊入絕地，死拒。把總蕭文魁戰死，官軍三面兜剿，賊隊一騎草帽綴藍頂花翎，怒馬指揮，受傷墜而復躍，驀於河湍流駛激，倏忽漂沒。僞元帥李顯碧也。餘俱蹴撲淹斃，無漏網者。官兵屯大寧，阿哈保戰勝回至譚家堯，大雨五晝夜，溪水暴發，不能渡糧草，俱盡。殺馬，馬盡。草根木實無餘，餓死甚衆。水消至大營，疲極不堪。外委李春和溺死。○六月，由陝入川。

之賊首藍號鮮倖先苟文通自馬渡關入東鄉之蝦蟆口青號何子魁自太平固軍壩與之合十四日破民避賊者名人和寨居之又攻永興寨提督七及總兵阿哈保薛大烈達斯呼爾岱搭什拉張績羅聲臯李錦麟鄔海慶傅廷標桂涵羅思舉等黃昏四面攻之賊遁走鐮尖壩臨河官兵急據淺灘追賊從深溜泗水多溺死再蹙之衝天嶺前後殺千餘人斬倖先文通擒子魁及大旂手吳芳曉張宗仕戰手池仲榮等百餘人餘匪由東鄉蹂巴州走通江沿路劫官糧掠民寨營通江之石婆山薛大烈分兵迤透伏龍鳳壩酒店壩土地壩

以防奔軼親率桂涵等乘夜入其營賊驚潰所至伏起追兵緊躡擒徐添德之弟添壽王登廷之子偽元帥文科是夜官兵安營休息三鼓營東忽聞喊聲頃索倫兵營鼓聲大震西南殺聲繼起索倫兵萬箭齊發時月微明望西南山上人影叢襍舉礮擊之賊退蓋賊首苟文明不知何來脅鄉民爲導知索倫多馬由東盜馬索倫巡邏者故事必手挾弓矢見賊影關弓射之合營俱起賊攻隨營商賈軍士已預戒故敗去先之探候遇賊於三更適回營也數日賊攻乾龍碕劫軍糧甚急千總段松林隨阿哈保往援殺傷過當松林奮戰死

黃號賊龍紹周出老林，叅將唐玉龍陣亡。玉龍雅安縣人，由行伍擢守備，隨叅贊戰雒南，兩河口戰，香冲戰，黃茅嶺，新店子，戰亭子，舖陸坎子，戰乾溝，及蔣家溝，前後手擒賊目十餘人。至是追龍紹周，由和岡溪進，賊伏老林中，玉龍領步卒數百人屯溪口，以遏賊，賊分兵前後抄之。其地兩山夾峙，河水洶湧，賊無去路，力戰，玉龍手及數十人，圍益急，力屈。都司賈紹復外委鄭起高等俱死。○七月，總兵薛大烈、阿哈保追賊至廣元大毛坡，賊令老弱先行，伏勁兵於山中。大烈等兵分爲三，一由左山，一由右，而令桂涵、羅思舉直出中路。天大霧

涵等兵至山口，霧散，賊伏從上壓下，圍酣而左右兩路兵合抄其後，賊不能進退，死戰。自辰至未，官軍間有殺傷。叅將李芝榮戰死，賊之勁卒亦盡於此矣。有義兵苟仲貴，性頗貪，每戰好奪物而勇力過人，遇賊必致死。是戰一賊死而矛尚未倒，仲貴失足墮岩而下，爲監矛刺心穿背死。○八月，總督勒偵知賊首冉學勝等與高家營會合，屯盧家灣，即分派兵勇抵其營。三鼓後，官兵發而北，賊亦四更起營而南。未黎明，相值黃連壩口，俱未成陣。片時許，聞過兩山賊退，官兵乘之，追奔數十里，學勝棄馬投岩，拔刀欲自刎，小卒敖吉馳縛之，並

擒老掌櫃鄧金祥，僞總兵岳興，先鋒韓三思，及探馬頭總旗手，襲名冉學勝，世居襄陽縣黃龍壩，與張漢潮同反。劉起榮爲藍號戰手，再入陝，再入川，累與官兵抗。嘉慶四年，藍號敗，起榮之子允勝推爲元帥，走甘肅回安康，欲穿南山道南，入豫，扼於武關，轉鎮安、漢陰、石泉。今年三月，掠於大壩，由鳳縣過汧陽、秦川，敗於隴州、草白峪，謀往固原掠糧馬，敗於張掖，舖涉渭及漢，遁黃安壩，流徙鄖陽與安間，敗於八河道，遺孽數百人，翻兩扇門，騷徐家壩，及太平之高觀寺，又從爛泥溝越巴山老林，抵通江之空山壩。是月一日，合齊家營二日。

合高家營議往南江，廣元至是被擒，學勝生而左眼眶黑，賊呼爲青眼元帥，軍中亦傳之。○九月，總兵薛大烈、阿哈保追賊墊江，遇賊前鋒於登溪舖，索倫兵發一矢，斃賊一賊，懼僞降，而乘夜走隣水大竹，游擊桂涵獻策於大烈曰：「賊窘極窮，追必力闢勝負，未可知也。度賊數日內必過達州，彼有地曰鹿洞寺，衛家溝，我兵可伏此邀之。」大烈許焉。衆晒不已，謂涵爲懦。既至，令兵士飽食俟戰，衆愈笑，食已，大隊賊至，伏兵齊起，聲如震雷，賊駭不知所爲，正回望，間官兵大衆，鼓譟而出，賊殄焉。餘數十騎，逃入林中，經畧額勦辦陝賊，高逆餘匪兩路。

逃我兵分追之二十七日固原提督楊抵南江縣河壩與西
竄之賊遇訊俘知東賊辛斗爲首旋據格布舍報賊在小樹
坪謀欲北遁卽間道邀之賊趨上山官兵棄馬徒步進擊賊
蜂擁一騎奪路副將張環箭中其背把總楊陞鄉勇張朝玉
縛之辛斗也次日又擒僞先鋒蔡坤和僞總兵李貴蘇啟志
並老掌櫃敖正道○十月賊湯思蛟等走開縣總兵薛大烈
追及長春壩與戰賊稍却官兵將安營賊伏於花盤寺不見
官兵回跡之知官軍正安營衝入官兵樵汲者合救之營中
甲鞍未卸疾起圍賊退獲數十人於是連日透追由東鄉樊

噲店走太平固軍壩又追至通江竹耳關共數百里沿途斬
獲甚夥此賊四散不成隊矣大烈未至開縣時賊竄新寧義
勇劉文學率鄉勇二百餘人擊賊大敗奔開縣先是川東北
累歲豐稔紅朽陳陳雖貧家亦貯數年用賊起大吏出令民
間倉廩胥行焚棄毋資寇糧由是戶無隔宿之儲且多登山砦
自固水米俱乏復漫無統率識者憂之而莫可如何故團寨
遭賊刃者嘗數百人自堅壁清野議既行外民志大固賊無
從掠食漸就衰耗而又招撫之令頻頒每一戰勝投出者無
慮數百人卽團寨士民亦習見戰鬥悉賊伎倆凡賊近其寨

必開壘出戰以逸待勞且糧飽佔地敗亦無損賊畏鄉勇更甚於官兵愈大困○十一月初賊再添泗王士虎於正月間爲大兵衝散其總兵龐思宇率數十人向川陝之界通江西鄉一帶老林竄匿後遇張添倫等零匪湊集數百人出林肆掠經畧額分兵勦之是月初三日黎明固原提督楊抵周家溝賊於四鼓已遁高家河我兵星之擒王思宇及探馬頭楊應學並獲李彬妻冉氏王士虎妻郭氏鮮倭先妻王氏冉添璜欲走合李彬領矛手百餘人去旗幟晝伏宵行由秦家河西去布格舍等間道迎截抵鎮龍開擒添璜文儔兄子也於

是總兵豐紳桑吉斯塔爾擒襄陽白號賊首高見奇於通江總兵薛大烈率兵勇夜圍賊於潘家河焚其營越二日至小中河賊首郭士寬者紮牛尾池邀隣近諸營賊首飲天大雪謂官軍必不出縱酒歌舞爲樂游擊桂涵使軍功何文往調知無備欲急擊之各營以寒甚不願戰涵獨領所部行大烈催兵隨之四鼓抵賊壘賊警夜者畏寒縮伏帳中官兵稍稍至其柵將曉出汲賊見之大驚官兵四面乘之戰踰時賊望平濶奔軼遇索倫馬隊無一脫而賊黨掠陝西者忽出廣元昭化間建昌守備陳應彪陣亡應彪華陽人初戰梅子坡斬

賊七百餘人又戰燕子河殺百餘人再戰花石溝領三十騎用進步連環礮走賊數萬賊伏螃蟬溪以誘我兵應彪以劈山礮轟擊敗之又敗賊於蕭家壩又與侍衛宣翰破賊汝河腦殺二百餘人又敗之於伊家壩至是賊據廣元縣之王家壩時冰稜溜滑應彪奮勇先登力戰與巴州軍功楊仕山外委劉大順死之

石香村居士編輯

七年正月初四日叅將桂涵兵至開縣木王埧賊廣向瑤屯木王山建層樓堅柵為固涵於是夜自領勁卒逼敵柵天將曙賊中呼曰王麻子可起炊又一賊出視良久曰夜如此黑莫非有官兵兵即起拔柵而入賊從樓中墜下山復四面陡絕砍殺外跌宕碎者亦數百人居民無不鼓舞稱慶○二月賊李彬辛文由南江廣元之交擾白岩山趙貴洞初八日建昌道劉青合軍功李仕玉典史猶起祥率鄉勇圍之軍功趙文

相鄉勇傅明德擒李彬鄉勇李元受縛辛文鄉勇鮮其受擒
偽先鋒尹貴劉青加按察使銜給花翎趙文相等除分賞銀
兩外並給藍翎餘賊狂奔定邊都司李鳳鳴率馬隊追之及
大竹縣賊據峻嶺鳳鳴爭先衝陣矢石如雨鳳鳴無懼色已
而石擊馬蹄徒步與圍被戍守備歐愷遇賊於太平力戰陣
歿時忠州營藍翎卒王世得川北營藍翎卒孫思成亦擊賊
死○三月初總兵田朝貴大敗賊於木箐埧探賊由巴州之
陳家埡竄土地堡官兵馳之圍於金子寺殺左髻黑子賊一
二賊急奪其屍並斬之獲賊二百餘人內有三掌櫃張廷舉

襄陽張家村人父添美叔添倫習教於王廷詔起事雙溝往
來楚蜀陝甘肆虐五年添美死合張家魏家兩營推添倫爲
總元帥陳幗朱爲元帥魏學勝爲總管戰敗時添倫爲官兵
所殺幗朱學勝奪屍同死並獲偽總兵楊廷猷周心泰學勝
驍悍每戰落後者捶以木棒賊中呼爲魏棒棒云總督勒保
奏魏棒棒本無其人因魏學勝好以木棒擊人故有此
號然軍報前已將魏棒棒殄斃又有魏洪升顏中考二賊在
逃而前有顏勝可與魏棒棒合夥未經弋獲不知中考卽勝
可否大約賊名目不一官兵亦不能得其詳也○四月恭贊

德擒逆賊龔其堯李世漢線號自龔其位龔文玉卜三聘等
勦敗後剩百餘殘匪連年於巴東梁山巫山房縣老林內輾
轉虜脅又五六百人其位弟其堯爲首漸擾奉節叅贊兵至
鳳凰山別遣兵由二台坪抄去至雲奉溝過紫映河抵小神
堡藏老教師李世漢及子幗真僞總兵余佐志唐大高旗手
趙思文王得勝皆就縛其堯已被殺於鳳凰山時總兵田朝
貴張志林亦獲賊目劉紹甲朝貴志林及達斯呼爾岱又敗
賊於川北擒斬二百餘人獲僞先鋒馬金保黃現文僞總兵
周文禮及湯思蛟之弟思武等吏目汪順良安徽歙縣人委

赴廣元水磨堡督圍堵禦時賊之分股尚多順良與軍功劉
鵬尹爾泰同戰歿於金子山藍翎馬兵胡朝卿亦陣亡○五
月總督勒遣副都統達斯呼爾岱總兵張績追賊太平初白
號敗於杜家壩投箭口河泗水逸今四月達斯呼爾岱合叅
將蕭鳳來由潼寧關至古佛洞遇賊戰敗之擒二掌櫃張思
從廣向瑤奔鳳凰山達斯呼爾岱出其前又敗之向瑤逸去
總兵張績由太平之豐城追至沙饋場適總兵田朝貴由絲
羅垣至縱火焚賊營賊驚潰達斯呼爾岱總兵羅聲皋合擊
之擒向瑤於豐城卽王三槐等初起之地也又獲徐添德之

從兄添培名鍊板道人又號鍊元帥外委楊大剛戰歿古佛洞○六月總督勒令叅將桂涵搜勦餘匪追徐添德至絲羅堤垂獲而左右寨民昏夜不辨疑官兵爲賊截其追路總兵田朝貴亟伏兵於前賊誤奔入涵兵亦至獲添德時桂涵領所部往來勦捕敗賊於家堤又敗賊於開縣銀廠坪又敗之於梅家堤共擒斬六七百名後堵湖北竄匪於巫山大寧又戰新寧縣金家營戰開縣芭蕉壩戰太平縣曹家溝戰大竹縣龍洞堤戰東鄉縣雙河場戰長壽縣宋家溝戰忠州高崗壩戰長壽曹家堤及鄰水縣張家場戰江北廳高家廟及

長壽縣堰堤溝戰江北廳大坡鴛鴦橋以至秦羅坪富河場無不克捷前後斬獲二三千人皆是年事也蓋零星賊匪散布州縣不成大隊而桂涵之威名久著故所到殄滅其戰於秦羅坪也涵方勝夜賞軍酒食歌舞方酣賊於老林突出涵命列陣待有小卒曠奉持矛出陣賊大呼而起奉立震死蓋膽已落也涵堅坐不出明日逐之斬其渠而還富河場之捷獲賊數百名檻送長壽縣時縣被兵無監禁繫犯鼓樓三更乘守兵睡熟破械出勾其黨王三掌櫃入縣焚殺涵聞夜馳二百里一鼓擒之總兵田朝貴追勦藍號賊匪楊步青及通

江巴州賊伏菁林狙擊官軍朝貴與遊擊薛升合擊斬之步
青爲冉文儔僞總兵往年偷渡嘉陵江被經畧額擊敗擒王
士虎並步青縱之回營招安步青轉合李彬焚掠川北至是
爲鄉勇冉貴劉天貴李守榮李思貴擒斬之游擊羅思舉擒
白號賊首劉潮選襄陽黃號伍金元於大寧黃白青藍等號
賊掠雲陽奉節至大寧總督勒令思舉及褚大榮等逐逐追
擊擒潮選金元總督勒保

晉封一等男爵前達勒精阿報臨陣斬潮選或又一人耶龍安把
總李華戰歿蓮花池餘賊有掠至鄧都者委員陳聖增及義

勇數十人被害○八月楚匪由巫山竄大寧總督勒飭總兵
張績邀之又有王愾賢餘黨劉賴等亦由楚入川達勒精阿
武隆阿邀之張長青一股由大寧走雲陽苟文明餘黨由陝
入川北○九月游擊羅思舉等擒白號賊張簡湯思蛟簡隨
張子聰起事充僞元帥總督勒飭羅思舉陳弼等分路追躡
知府趙秉淵督鄉勇截其前鄉勇鎗中簡勝擒之思蛟剃鬚
改名而竄總督令達斯呼爾岱羅聲卓追之驍騎校巴圖蒙
古見一賊投岩卽棄馬跳岩與之格鬥連中三傷思蛟逃芝
包口店內初六日巡兵杜鎮海張觀國告本卡外委賈玉壽

詰得嚮臬叅將桂涵平雲陽餘賊經畧額於陝西追芻文明
 餘黨至太平縣黃石板兵尚未到涵由西南至夜抵賊營一
 兵伏河岸一兵潛入賊營天微雪賊伐山木為薪雜燒之官
 兵突至不能敵滾山而下山極高峻賊如空中墜落岸兵騰
 躍刺之如斬飛禽以為戰之樂無如此次也張長青率其黨
 降黃號賊李學坤亦降時川北僅藍白號賊數百人楚賊千
 餘來掠大寧又由西鄉入太平者數百人梁山萬縣有黃號
 線號賊江北廳亦有賊滋擾外委朱朝富團勇監生蕭鳳儀
 等戰死總兵達勒精阿叅將桂涵馳擊之或曰長青即長庚

也○十月參贊德於湖北歸州興山搜捕餘孽抵巴東知青
 號賊匪全數屯巫山之黃泡池督兵進勦重慶營兵劉仕明
 建昌營兵沈中貴尹文剛等生擒賊首陳侍學並偽總兵李
 學進何學盛等餘匪殄滅無遺救出難民男婦三百三十餘
 名侍學起事亭子舖往來楚陝徐添德斃後自稱偽元帥於
 湖北收聚青藍白線等號餘賊數百人又於楚蜀之交暴脅
 多人至是被擒計楚省東南已靖川省賊匪亦已無多中河
 及梁萬一路有黃藍號賊千餘人太平舊縣填賊三四百人
 叅將桂涵擊斬殆盡又有黃號賊數百人擾太平游擊羅思

舉馳太平開縣擊之，提督豐禦王、峒賢餘黨於巫山大寧，擒斬數十人，餘遁入太平山內。藍白二號賊被官兵勦散後，分作四五隊，官兵於營山、巴東、東鄉各有斬獲。千總朱廷杰外委江順文、玉林捕餘匪戰死。○十一月十九日，游擊羅思舉與賊戰於大寧丹家坳，賊大敗，思舉逐之。二十一日，至寶塔，見唐字旗，知係黃號賊首唐明萬，明日至石柱坪，驟擊之，賊大潰。明萬奪路走，鄉勇顏貴、夏貴、康貴、李毓林、羅貴、馳及刺中明萬，擒之前後，擒偽總兵唐登明、先鋒李相富、趙永清，共數百人。明萬，湖北人。嘉慶三年，於陝西起事，率二千人投

龍紹周，充偽元帥，久擾湖北，至是入川，被獲。千總李廷剛、藍翎外委羅明玉戰死。○十二月，經畧額參贊德會師川北，參贊令穆克登布達勒精阿搜鄰水、大竹餘賊，勦平之。又令色爾滾、馬瑜等追擊川東餘賊，陝西涇州都司黃鳳把總龍廷貴、江鯤化、袁邠外委薛文魁戰歿。又有藍翎馬兵何榮壽探賊達縣被戕。十六日，經畧大臣額勒登保、參贊德楞額奏總督勒保、陝甘總督惠齡、湖廣總督吳熊光、合詞公摺。奏陳大局底定，前後殲除羣匪如俘解京師者。張正謨、聶傑、人張正潮、覃加耀、王廷詔、劉起榮、王三槐、劉之叶、羅其清，其書

高均德、高成傑、生擒正法者張什高三、馬五、冉學勝、李彬、冉添元、添泗、王士虎、龔文玉、其位卜三聘、龔建王、登廷、陳傑、伍懷志、張子聰、徐添壽、汪瀛、王凌高、李槐、高見奇、庚向瑤、劉潮選、楊麟、生辛斗、辛聰、陣斬者林之華、齊王氏、姚之富、張漢潮、樊人傑、張添倫、徐添德、陳崇虎、冉文儔、冷添祿、林亮功、林定相、蕭占、幗、張長庚、包正洪、李潮符、日明、徐萬富、王珊、李思槐、伍金柱、阮正澂、龐洪勝、解大川、趙麻花、宋幗、富雷世旺、張士龍、劉允恭、高二楊、開甲、張允壽、張世虎、龍紹周、苟文明、蒲添寶、魏棒、陳幗、朱頹、飛龍、戴四、張簡等、統計首逆百餘人、積

惡頭目又數百人、邪黨數十萬人、投出者又數萬人、維時額勒登保

晉封一等侯、世襲罔替、德楞泰

晉封一等侯、並加太子太保銜

賞用紫韁勒保

晉封一等伯、其餘將領明亮、賽冲阿、楊遇春等、置臣惠齡、吳熊光等酌加

懋賞仍

申命額勒登保、德楞泰勒保、各督兵搜捕餘孽、

武靖教匪述編卷八蜀述

石香村居士編輯

八年正月，叅贊大臣侯德，平天池寺餘賊，川北把總陳在朝，追賊落水死。賊首王幗賢降於雲陽縣。○二月，叅將桂涵平墊江賊，梁山沙河驛縣丞關某署墊江縣事。賊至縣關率役卒數百人，遽出戰。役輩素不知兵，遇賊戰歿。關奔回，役人妻子聚哭於廳事，關計無所出。桂涵聞之，疾驅入城，慰解之，不服。涵乃追掩賊於牛欄溝，大獲，以活賊與役妻子，齎割以祭。事始解，聞賊首偽元帥王青擾萬縣烏龍池，復馳攻其營，獲之。

殄其衆五百人。○閏月，監翎把總謝加寧戰歿通江張家河。
○三月餘，賊分逃各縣。崇化游擊馬明德、恩騎尉李啟功、崇
寧外委張榮陞戰歿奉節縣土門子。黎雅把總楊祿戰歿開
縣青灣子。越雋千總高守謙戰歿大寧縣。○四月，叅將桂涵
擒賊首宋幗品。初，桂涵既平墊江賊，節次戰大竹縣太垣口、
潘家祠、大寧縣、金家營、劉家溝、磨子岩、東鄉縣平頭山、化角
嶺，斬獲七八百人。至是追宋幗品，五晝夜至高灘場山王廟。
賊奔上山，涵督兵仰攻。幗品欲逃，鄉勇彭貴、李俸併力極圍。
抱持之外，委王良才馳獲殺賊首馮麻子、宋癩子、前穆克登。

布經歷花君弼及陳鼎、李廷珍陣亡，以三犯之首祭之。○五
月，經畧大臣侯額叅贊侯德會兵楚陝之交。時三省賊合爲
一出沒老林，總兵田朝貴、羅聲舉分投林中搜捕。路險糧運
艱甚，官兵採野草爲食，中毒復甦者纍纍。賊黨破民祠，竄掠
食，得以不飢。久之，賊紮太平之望鄉台。叅將桂涵游擊羅思
舉於十一日夜三更發兵繞山後攻賊屯，已有備，相拒格鬪。
良久，賊分兵出我陣後。時月西斜，山上望之，輪大如箕，衆星
亂墜，官兵潰。賊亦走。涵思舉收軍，約明日決滅賊。犒軍欲起，
賊已入陣，極圍聲振山谷。兵力盡，又潰。賊又走，把總王得勝

陳貴戰歿先是把總羅純於四月晦日亦於黃土坪陣亡叅贊侯德所遣將領搜捕餘匪獲首級八十六副擒偽元帥馮添寶先鋒段三順等所擒賊有戴紅藍水晶頂及花翎者或係戕殺官兵所得或本有翎頂之官兵鄉勇不能辨也時巫奉大寧太平城口均無賊跡而楚督吳稱有川匪由向家坎掠竹溪又有苟潮九黨內張姓數百人由大寧之黃墩折入兩扇門衝陝省入楚又川省涼山生番自正月以來焚掠馬邊爲總兵張志林擊退奪回被擄難民四十七名臬司劉青派令軍功臧青雲各處搜捕藍號張揚黃號何悠然白號吳

青揚等降之賊首黃幟濠亦降於雲陽知縣梁敦懷前已降張長青王幟賢故也經畧侯額遣游擊馬成林及把總毛三貴軍功能鳴鳳余貴兵丁陳玉俸等入林搜捕賊齊幟典陸岩死斬偽元帥靳思慶先鋒路成紹等經畧仍自開縣探搜前進令總兵田朝貴達斯呼爾岱分路追擊時湖北房縣賊掠大寧老林都司曾勝邀擊之大寧知縣郭南英亦斬境內餘賊總督勒遣李應元斬張添德卽張四掌櫃並探馬頭周潮富時川東北遺孽僅數百人○六月經畧侯額兵擒熊老八卽與余佐斌殺穆克登布者也軍功盧俸鄉勇羅得興胡

貴擒之外委鄧維仕戰死外委張志追賊渡江溺斃達州新寧尚有賊○十二月陝西游擊曹文通馬邊千總高正龍李國俸魏忠才戰歿達州同時搜捕餘匪戰歿者又有藍翎兵權安邦徐陞熊萬伸李正彪岳貴曾占雄六人廣元軍功李植德一人

九年正月賊復闖入老林官兵鑿山伐木通道林中山谷陡絕莫可名狀上如登天下則如墜海庑糧運隔絕軍不能成隊伍飢渴勞頓異乎尋常時尖山填花岳山俱有餘賊田朝貴馬應國羅思舉搜捕之○三月外委江國用搜捕餘匪遇賊

被害外委胥元章亦追賊入江淹斃○四月固原提督楊追賊川陝之交楊道士溝千里內皆老林先令李朝安探賊遇伏死之逃卒出始知賊已逼近乃麾兵列陣賊佔地高勢不敵或謂提督曰兵已敗軍門可退楊手斬之把總王良才遽前連殺二賊衆鼓譟隨之賊大敗是役也殺賊總兵元帥共三十餘名前官兵之失利皆由探候爲賊伏所擒不及防故也○六月諸軍合老林天盛暑營於十里坪營中無井渴極衆有哭者忽大雨如注卽以盆盥盛之或用衣帳攪水滿注於池遂得濟次日與戰獲賊百餘斬其渠數輩數日後移

營復戰林中不能列陣失利六品軍功黃俊品探賊遇伏被擒脅之降俊品大罵賊縛於樹萬箭射之至死罵不絕口外委杜鎮海亦戰歿土垭子○八月餘匪竄鳳凰寨亦川陝之交也提督楊提督豐總兵馬瑜田朝貴前後夾擊大敗之擒偽元帥羅思蘭符定富總管王宗福紀友亨蕭昌奉等七十餘人斬偽元帥李明玉周添良總管王仕奇袁泰等靖遠千總趙祥追賊劍州江口失足落水死○九月叅贊侯德之兵斬獲賊數十餘名達州饑民黃貴趙思煥因貧糾眾搶掠富戶捏稱奉文招募新兵達縣知縣余永寧東鄉知縣楊世

鰲嚴治始息經畧侯額叅贊侯德提督楊提督豐及田朝貴馬瑜會兵於太平之火燒梁賊營山上官兵圍之山峻無路飛鳥不通副將桂涵請于各帥曰我兵守此雖復數月無如賊何涵有一策此山下有小溪通賊寨後地有民硎賊圍久必劫硎糧若以步兵繞出賊後破之必矣諸大帥許焉乃捨馬徒步行一日出賊背訶之賊果少分兵拒其前以勁旅數千劫民硎官兵爲偃月陣抄之兩相圍而死者甚衆諸帥以此次不卽滅賊將更延時日故雖有傷殺戰愈力半日許踐其營於是賊之勁兵旣盡前山拒守者皆膽落鼠竄不能成

隊不日遂勦除淨盡

十年閏六月游擊羅思舉率外委王明遠藍翎軍功包相卿斬賊首王世貴及偽總兵謝應洪他將亦於太平之白菓堪化龍山梨子坪陸續擒斬三四十人餘賊悉平賊自作亂以來官兵在此則竄彼在彼則竄此千百成羣布散州縣遇官軍大隊無不潰敗而各處堵禦巡哨兵勇以衆少力單亦往往爲所戕至七年大局底定餘賊出沒林中蹤跡詭秘搜捕維難直至十年始一例肅清士農工商各安其業桑麻遍野絃誦相聞風氣之淳厚民俗之敦龐雖堯舜之世亦無以加痛

定思痛之餘慨想當時賊肉固不足食而士民之忠義節烈散見於三川者尤不可沒也至於陝甘楚豫別次梗概於編左

香農野史氏曰蜀自獻賊及吳逆大肆蹂躪之後稀遭寇亂雖西藏金川苗疆偶有竊發然皆在彼地蜀土全境晏然百餘年來時和物阜車牛輻輳民氣熙熙然忘

帝力於何有太盛而成小虧遂有徐王等逆之變一將賊氛所逼川東則重慶夔府忠州石柱川北則綏定順慶潼川保寧城口川西則龍安松潘綿州各府廳州所屬幾無安土而亂蜀

者又非盡蜀賊而已也。湖北之齊王張樊等，叫呼奔竄，互相
出沒，蹤跡無常，往往不知來從何地，賊首為誰，鄉里安業重
遷，每一賊至，殺掠已極，然猶冀後不復來也。且見官兵稠疊，
何難計日殄除，乃未幾而風馳潮湧，賊驟至矣。再經殺掠，以
為後必不復來也。轉盼間，賊又至矣。十年之內，每州縣或剽
劫數次，或十餘次，官兵日有擒斬，而賊黨日滋，賊焰日熾。
朝廷憫蜀民之無辜，而賊氛較他省為尤重也。故尤注意於蜀，
凡統兵大帥，自英侍郎而宜總統，勒威勤侯，皆駐節於蜀地。
額經畧，德叅贊，惠尚書，明將軍，以及期門虎旅，俱經營蜀賊。

之日多，而勤勞於蜀省者最久。我

國家如天之福，自賊起至於平定，大有頻書，民氣協和，因是仗
威靈稟

謨訓，天意人心之俱順，羣策羣力之畢効，賊遂一舉掃蕩而無遺。

類今日登峩岷而眺巴渝之野，禾麻千里，烟火萬家。

太平之景象於斯為盛云。

戡靖教匪述編

卷九 陝甘楚豫述

石香村居士編輯

白蓮教賊蹂躪五省，雖惟蜀爲甚，而謀逆則始於湖北，旋擾河南，漸及陝甘，于蜀又最後。在楚之賊首數十，以齊王氏樊人傑、王廷詔、姚之富、王光祖、高均德、張添倫、張漢潮爲最。陝賊則馮得士、翁玉祿等數人而已。其歷年之出沒商漢而流入甘肅者，楚賊爲多，蜀賊次之。然五省諸賊總以劉之協爲渠魁。

嘉慶元年正月，白蓮教總賊首劉之協起逆，湖北之協、安徽太湖

人習白蓮教於河南鹿邑人劉松復詭以太和縣人王廷章假名牛八偽稱明裔謂劉松之子四兒爲彌勒佛轉世保輔牛八從入教者可免刀兵水火諸厄詞極誕妄五省教匪皆其所傳嗣以查禁甚嚴遂與張漢潮姚之富齊愾謨齊王氏等同謀爲逆約以元年三月初十日年月日時皆辰糾衆起事因枝江宜都當陽賊黨先已起事黠賊故不及待期遂四出勾連相繼作亂俱樹天王劉之協旗之協匿於新野未入賊營久之欲往湖北合賊道出葉縣令廖寅詰獲解京正法初乾隆五十八九年間湖北習白蓮教者甚衆奉

旨查拏獲劉松及劉之協之徒宋之清齊林等論如律惟劉之協在逃有司率行詳報湖北白蓮教除弋獲外均自首改悔現在並無習教之人其實習教者正熾地方官以業經申報礙難究辦不肖胥役因之私行婪索多方勒逼時有四凶之號逆黨積憤於是劉之協之徒宜都縣賊張正謨聶傑人劉宏鐸覃正潮正月十一日聚衆倡亂於枝江縣踞灌灣腦富陽縣令聞變坐廳事傳集書役謂曰白蓮教已反與邑界近本邑習教者嚴緝務獲役輩齊聲曰我等卽白蓮教也更誰緝令拍案怒罵曰汝輩反乎役等慢應曰反卽反耳何怒爲令

拂袖起羣役卽爭前擒令出署以錢一串置令左手銀一錠置其右手中拉殺之賊首楊起元熊道成陳德本與書役席雲峰等遂反據當陽城旣而來鳳縣則有賊首楊子敖作亂於小坳譚貴作亂於旗鼓寨鄖陽府則有曾士興作亂於竹山攻破竹山保庸二縣時宜都縣賊則湖北巡撫惠齡荊州將軍成德統兵討之當陽縣則總督畢沅討之來鳳縣則署四川總督大學士孫士毅因苗疆未靖駐四川西陽州經理苗疆後路軍需就近討之鄖陽府則西安將軍宗室恒瑞率兵討之而陝西巡撫秦承恩駐防陝界繼又以前四川總督

侍衛鄂輝前西安將軍侍衛舒亮爲領隊大臣並調直隸提督慶成及各省總兵官領所轄滿漢官兵赴楚勦辦河南巡撫景安防守豫境烏魯木齊都統永保爲總統督師湖北○二月湖北撫惠擒聶傑人向瑤明於鳳凰觀并獲傑人二子及妖僧廣明俱從張正謨爲亂者至是正法據犯供教首稱以山西岳陽縣李大兒爲主下巡撫蔣兆奎親往戶緝並無其人○三月襄陽教匪齊林之妻王氏姚之富王廷詔劉啟榮樊學明之子樊人傑及張漢潮張添倫高均德王光祖齊囑謨作亂於黃龍壩齊林襄陽總役習白蓮教破案正法妻

王氏歸母家而姚之富爲齊林高弟王廷詔又王氏之兄子齊幘謨齊林之兄之富等旣反迎王氏爲總教師聚萬人屯黃龍塢大肆焚掠於是湖北賊羣起而官兵尙未集各州縣牧令及候補試用文員招募鄉勇以禦賊頗有殺獲初有武弁領兵至麾下請出戰持重不許久之忽欲戰賊已大熾或止之不得一戰而敗故賊益無忌而鄉勇之氣轉奪勢乃不可遏○五月孝感縣賊黨楚金貴魯維志等嘯聚胡家砦宜昌府復有林之華覃加耀作亂於長陽縣之榔坪時西安將軍宗室恒斬首逆曾士興克復竹山保庸二縣旋領兵赴襄

陽協勦署四川總督孫攻克小坳首逆楊子敖伏誅餘賊遁入旗鼓寨與譚貴合進兵逼之兩江總督福亦畱楚辦苗疆後路糧餉駐龍山防禦○七月楚督畢斬首逆楊起元熊道成陳德本克復當陽初起元自稱僞元帥據當陽爲城中被擄軍犯王之毫斬首縋城來獻楚督畢克復縣城殲賊千餘生擒頭目陳德本等並著名賊目羅傳禮馮百川及妖道譚復信助逆書役席雲峰等伏誅前烏魯木齊都統侍衛明掃蕩胡家砦旋赴苗疆而來鳳之賊未除署四川總督大學士孫病卒成都將軍觀公代之旋以兩江總督福公署四川總

督總統來鳳軍務○八月湖北撫惠生擒首逆張正謨劉宏鐸掃平灌灣腦覃正潮竄踞涼山進兵逼之署四川總督福成都將軍觀擒首逆譚貴旗鼓寨平移兵榔坪合勦林之華覃加耀○十月湖北撫惠擒首逆覃正潮涼山亦平諸賊雖多敗散而姚齊等逆猖獗益甚卽敗散之賊又多半入蜀助徐添德王三槐等造逆於達州東鄉復遣黨羽潛竄入陝勾同教作亂俾官兵奔走不暇數省之賊皆劉之協所傳布其招呼糾結先後並發亦劉逆詭計也○十一月陝西興安府安康縣奸民馮得仕作亂於將軍山翁祿玉林開泰作亂於

大小米溪王可秀成自知作亂於安嶺胡知和廖明萬李九萬作亂於汝洞二河陝督宜陝撫秦率兵勦之擒馮得仕翁祿玉林開泰王可秀成自知伏誅○十二月湖北襄陽教匪竄過襄江總統永自劾理藩院尙書惠代之陝西汝洞二河賊首胡知和唐明萬李九萬均已勦滅而姚齊張林等逆遂定竄掠秦蜀之計

二年正月尙書總統惠生擒襄陽首逆劉啟榮於隨州之大洪山時苗疆事竣領侍衛內大臣威勇侯額勒登保協勦湖北林覃二逆於黃柏山○三月威勇侯率侍衛豐紳叅將楊遇

春攻入賊屯擒斬數百人，追至四方台，賊遁芭葉山，復連摧賊三十餘屯，賊敗入大荒口。○五月，湖北襄陽諸賊各分號，黃號則王廷詔、齊王氏、姚之富、王光祖、樊人傑爲首，伍金柱、伍懷志、辛聰、辛文、龐洪、勝曾、芝秀、齊幗、謨、伍金元附之，襄陽白號則高均德、張添倫爲首，宋幗、富楊、開甲、高二、高三、馬五、王凌高、辛斗、魏學勝、陳幗、朱高見、奇楊、開第附之，襄陽藍號則張漢潮爲首，李潮、李槐、詹世爵、陳傑、劉允恭、張什冉、學勝、戴世傑、趙鑑、崔宗和、胡明遠附之，林覃諸賊不與焉。齊王氏、王廷詔等旋竄入蜀，蜀賊徐添德、王三槐等之分號，亦自此

始。○六月，副都統綸布春、參將楊遇春攻賊林之華，覃加耀於帽子山，敗之。○十一月，威勇侯額率參將楊遇春，敗賊於朱履寨，斬首逆林之華，賊高均德、張正潮、竄漢南一路，張添倫、李全率其黨趨藍田，欲與高、張二逆合。

三年正月，大帥額勒登保、福寧、明亮、德楞泰等因勦辦遲延，先後降革，仍各帶副都統銜，使奮力立功，以觀後效。額、福兩都統率兵勇生擒首逆覃加耀於宗寶寨，已自楚至川，復因楚匪竄陝，仍領兵赴陝助討。○二月，威勤侯勒調任四川總督，河南巡撫景爲湖廣總督，陝西布政使倭爲河南巡撫，副都


統銜明及副都統銜德殲襄陽黃號齊王氏姚之富於鄖陽縣之鄧花坡齊王氏自其夫齊林伏法後匪黨姚之富等尊爲總教師諸賊聽其號令由楚入川及豫及陝大肆剽殘至是經官兵追勦四面環攻無路逃竄相繼投岩梟示湖北本籍及川陝滋事地方而賊張添倫等爲叅將楊遇春擊敗遂走合高均德張正潮折回楚窺伺荆門州副都統額督兵追敗之○六月襄陽黃號王廷詔白號高均德張添倫竄蜀與徐添德等合藍號張漢潮竄入陝境副都統明率兵追之四年正月四川總督勒保爲經畧大臣節制五省軍務陝西巡

撫秦承恩湖廣總督景安俱緣事解任河南巡撫倭什布爲湖廣總督直隸布政使吳熊光爲河南巡撫工部尙書松筠爲陝甘總督旋以永保爲頭等侍衛署陝西巡撫明亮額勒登保爲叅贊大臣額叅贊德都統俱在川○七月湖廣總督倭率南寧副將孫清元痛勦川東竄去逆匪李淑於保康之歇馬河千總黃國富收降七百餘人散遣被裹難民勦除餘匪殆盡○八月蜀賊徐添德竄入楚境總統勒保被逮叅贊大臣明亮與署陝西巡撫永保以互相糾劾同時被逮廣西巡撫台布調任陝西巡撫工部尙書那彥成赴陝西協辦軍

務副都統額勒登保加都統銜爲經畧德楞泰爲叅贊那彥
成旋亦爲叅贊○十月叅贊德擒襄陽白號高均德於陝境
均德襄陽三合鎮人父成均於乾隆五十七年邪教案內正
法均德父子皆以劉之協弟子宋之清爲師自嘉慶元年三
月起事擾楚蜀陝甘敗於太平因改名郝以智於五塊石翻
盤頭山逃竄是月初六日叅贊德轉戰百二十里擒均德並
其叔高成傑及僞元帥王臨高藍號僞元帥曹明魁等正法
先是總兵楊遇春率其弟逢春從額經畧累戰勝先後擒斬
賊首甚多

上屢加旌獎賞玉帶頭鼻烟壺搬指荷包烏雲豹馬褂等物嗣
上以師旅曠日持久多由將不用命

嚴旨切責經畧 奏有卽如楊遇春年甫四十而鬚髮半白每
跟追之際足穿草履縋繩而上將士不可謂不用心矣時諸
將中遇春勇畧尤著其次楊芳亦累獲首功



古考目

